

摘藻堂四庫全書薈要

子部

欽定四庫全書薈要

子部

欽定授時通考卷

七八

詳校官主事臣陳本



欽定四庫全書薈要卷一萬六百七十

子部

欽定授時通考卷七

土宜

彙考

 易泰卦輔相天地之宜以左右民

疏天地之宜者謂天地所生之物各有其宜若大司徒云其動物植物及職方云揚州其貢宜稻麥雍州其貢宜黍稷人君輔助天地所宜之物使各安其性

得其宜也宜者據物言之程傳天地通泰則萬物茂
遂人君體之而為法制使民用天時因地利輔助化
育之功成其豐美之利也折中蔡氏淵曰春生秋殺
此時運之自然高黍下稻亦地勢之所宜聖人則輔
相之使當春而耕當秋而斂高者種黍下者種稻此
輔相天地之宜也

又繫辭觀鳥獸之文與地之宜

疏地之宜者若周禮五土動物植物各有所宜是也

春秋左傳先王疆理天下物土之宜而布其利

集解疆界也理正也物土之宜播殖之物各從土宜

禮記王制自恒山至於南河千里而近

冀州域

自南河至

於江千里而近

豫州域

自江至於衡山千里而遙

荊州域

自

東河至於東海千里而遙

徐州域

自東河至於西河千里

而近

亦冀州域

自西河至於流沙千里而遙

雍州域

西不盡流

沙南不盡衡山東不盡東海北不盡恒山凡四海之內

斷長補短方三千里為田八十萬億一萬億畝方百里

者為田九十億畝山陵林麓川澤溝瀆城郭宮室塗巷
三分去一其餘六十億畝

又月令善相丘陵阪險原隰土地所宜五穀所殖

集說土地有高下五種有宜否

又禮運聖王所以順山者不使居川不使渚者居中原
而弗敝也

註鄭氏曰山者利其禽獸渚者利其魚鹽中原利其
五穀使各安其居不易其利

周禮地官大司徒以天下土地之圖周知九州之地域廣輪之數辨其山林川澤丘陵墳衍原隰之名物

註周猶徧也九州揚荊豫青兗雍幽冀并也輪從也積石曰山竹木曰林注瀆曰川水鍾曰澤土高曰丘大阜曰陵水崖曰墳下平曰衍高平曰原下濕曰隰名物者十等之名與所生之物疏釋曰馬融云東西為廣南北為輪案王制南北兩近一遙東西兩遙一近是南北長東西短謂知此數也又辨其山林川澤

以下十等形狀名號及所出之物也九州揚荆以下
據職方周之九州而言故有幽并無徐梁禹貢據夏
以前九州故有徐梁無幽并也積石曰山者案詩云
節彼南山維石巖巖巖巖積石貌鄭據此而言按爾
雅山丘別釋則丘是純土其山皆石亦有兼土者故
曰石戴土謂之崔嵬又周語云夫山土之聚是其山
有土也竹木曰林者謂生平地注瀆曰川者按釋水
云注川曰谿注谿曰谷注谷曰溝注溝曰澮注澮曰

瀆彼注云皆以小注大此云注瀆曰川者爾雅無此
言鄭以義增之耳此瀆與四瀆義異四瀆則亦川故
職方云其川三江其川江漢也水鍾曰澤者周語虞
太子晉之言也土高曰丘者爾雅山丘別釋則丘無
石者也大阜曰陵者按爾雅釋地云高平曰陸大陸
曰阜大阜曰陵大陵曰阿可食者曰原是陵與丘高下
異稱皆無石者也其有石者亦曰陵故左氏僖三十
二年云穀有二陵是有石者也水崖曰墳者按爾雅

云重崖岸墳大防是墳為崖岸之峻者故詩云遵彼
汝墳是汝水之大防亦是水崖曰墳也下平曰衍者
墳既水崖而高明衍為下平此下平又與下濕曰隰
者別也高平曰原者按爾雅云高平曰原廣平曰陸
此對下濕曰隰而言其實高平即廣平者也下濕曰
隰者爾雅釋地文

又以土宜之灋辨十有二土之名物以相民宅而知其
利害以阜人民以毓草木以任土事辨十有二壤之物

而知其種以教稼穡樹藝

註十二土分野十二邦上繫十二次各有所宜也相
占視也阜猶盛也毓生也任謂就地所生因民所能
壤亦土也以萬物自生焉則言土以人所耕而樹藝
焉則言壤壤和緩之貌藝猶蒔也疏辨十二壤之物
者分別物之所生而知其所殖之種遂即以教民春
稼秋穡以樹其木以藝其黍稷也王氏曰名所以命
其土則丘陵墳衍原隰之屬物所以色其土則青黎

赤埴黑墳之屬鄭鍔曰壤所以種藝然穀之種於此
壤則有宜有不宜如冀之白壤兗之黑墳青之白墳
徐之赤埴揚荆之塗泥豫之墳壚梁之青黎雍之黃
壤則有宜稻者宜麥者宜五種者宜三種者不知其
所宜何以教民稼穡周官辨之以土宜之法既別其
名又別其物所以有土壤之殊也

又地官土訓掌道地圖以詔地事道地慝以辨地物而
原其生以詔地求

註道說也說地圖九州形勢山川所宜若云荆揚地
宜稻幽并地宜麻地慝若瘴蠱然也辨其物者別其
所有所無原其生生有時也

孝經分地之利

朱子孝經刊誤
本分改作因

註分別五土視其高下各盡所宜此分地利也疏五
土周禮大司徒山陵川澤丘陵墳衍原隰也謂庶人
須能分別視此五土之高下隨所宜而播種之職方
氏所謂青州其穀宜稻梁雍州其穀宜黍稷之類是

也劉炫云黍稷生於陸菰稻生於水又小學註陳氏
選曰高卑燥濕生植農桑者地之利也辨地之宜而
稌黍菽麥各遂其性則所入有餘矣

管子地者政之本也地之不可食者百而當一命之曰
地均

註政從地生土地就中論不可食者而除之紀其可
食之實

又辨於地利而民可富

吳越春秋稷為兒時好種樹禾黍桑麻五穀相五土之
宜青赤黃黑陵

陸地也

水高下粢稷黍禾藁麥豆稻各得

其理

淮南子后稷墾草發菑糞土樹穀使五種各得其宜因
地之勢也

通鑑外紀黃帝畫野分州以分星次經地設井以塞爭
端立步制畝以防不足

大學衍義補丘氏濬曰臣按人君之治莫先於養民而民

之所以得其養者在稼穡樹藝而已稼穡樹藝地土各有所宜故禹平水土別九州必辨其土之資與色以定其田之等第因其宜以興地利制其等以定賦法不責有於無不取多於少無非以為民而已

又臣按地土高下燥濕不同而同於生物生物之性雖同而所生之物則有宜不宜焉土性雖有宜不宜人力亦有至不至人力之至亦或可以勝天況地乎宋太宗詔江南之民種諸穀江北之民種秔稻真宗取占城稻

種散諸民間是亦裁成輔相以左右民之一事今世江南之民皆雜蒔諸穀江北民亦皆種秔稻昔之秔稻惟秋一收今又有早禾焉二帝之功及民遠矣後之有志於勤民者宜倣宋主此意通行南北俾民兼種諸穀有司以其勸相之數為考課焉

農桑通訣封畛之別地勢遼絕其間物產所宜者往往而異蓋風行地上各有方位土性所宜因隨氣化所以遠近彼此之間風土各有別也孟子謂后稷教民稼穡

樹藝五穀謂之教民意者不止教以耕耘播種而已其亦因九州之別土性之異視其土宜而教之歟今按禹貢所載九州田土各有差田各有等山川阻隔風氣不同凡物之種各有所宜故宜於冀兗者不可以青徐論宜於荆揚者不可以雍豫擬此聖人所謂分地之利者也周禮保章氏掌天星以星土辨九州之地淮南子分別五方星野其土產名物各有證驗此天地覆載一定古今不可易者蓋其土地之廣不外乎是但所屬邊

裔不無遼絕若能自內而外求由近而及遠則土產之物皆可推而知之矣大抵風土之說總而言之則方域之多大有不同詳而言之雖一州之域一縣一里之間亦有幾種之分似無多異周禮大司徒以土會之法辨五地之物生辨十有二壤之物而知其種以教稼穡樹藝草人掌土化之物以物土相其宜以為之種若今之善農者審方域田壤之異以分其類參土化土會之法以辨其種如此可不失種土之宜而能盡稼穡之利矣

農政全書五地十二壤周官舊法此可通變用之者也
若謂土地所宜一定不易此則必無之理立論若斯固
後世情竄之吏游閒之民媮不事事者之口實耳古來
蔬果如頗稜安石榴海棠蒜之屬自外國來者多矣今
薑芋薺之類移栽北方其種特盛亦向時所謂土地不
宜者也凡地方所無或是昔無此種或有之而偶絕果
若盡力樹藝殆無不可宜者就令不宜或是天時未合
人力未至耳試為之無事空言抵捍也第其中亦有不

宜者則是寒暖相違天氣所絕無關於地若荔枝龍眼
不能踰嶺橘柚橙柑不能過淮他若蘭茉莉之類亦千
百中之一二吾意欲於農書中載南北緯度如云某地
北極出地若干度令知寒暖之宜以辨土物以興樹藝
庶為得之

欽定授時通考卷七

欽定四庫全書薈要卷一萬六百七十一

子部

欽定授時通考卷八

土宜

方輿圖說

方輿總圖說

直隸圖說

盛京圖說

江南圖說

江西圖說

浙江圖說

福建圖說

湖北圖說

湖南圖說

河南圖說

山東圖說

山西圖說

西安圖說

甘肅圖說

四川圖說

廣東圖說


廣西圖說


雲南圖說

貴州圖說

欽定四庫全書

多
才
卷八






文獻通考昔堯時禹別九州至舜分爲十二州周職方復分爲九州而又與禹異漢承秦分天下爲郡國而復以十三州統之晉時分州爲十九自晉以後爲州罽多所統罽狹且建治之地亦不一所南北分裂之後務爲夸大僑置諸州離析磔裂循名失實而禹跡之九州罽不復可考矣夾漈鄭氏曰州縣之設有時而更山川之形千古不易故禹貢分州必以山川定疆界使兗州可移而濟河之兗州不可移梁州可遷而華陽黑水之梁

州不可遷故禹貢爲萬世不易之書後之作史者主於
郡縣故州縣移易其書遂廢矣善哉言也

直隸全圖






分野考順天府古幽州尾箕分野永平府古幽州尾分
野保定府古幽州尾箕分野易州古幽州尾箕分野河
間府古幽州尾箕分野天津府古幽州尾箕分野正定
府古冀州昂畢分野冀州古冀州昂畢分野趙州古冀
州昂畢分野深州古冀州昂畢分野定州古冀州昂畢
分野順德府古冀州昂分野廣平府古冀州昂分野大
名府古冀兗二州室壁分野宣化府古幽州尾分野
一統志地勢寬厚關塞險固總握中原之夷曠者莫過

燕薊雖云長安有崤函之固洛邑爲天下之中要之帝王都會億萬年悠久之業莫燕薊若矣

又水有九河滄溟之雄山有太行居庸之固玉泉之流經緯乎禁籞之中碣石之壯盤踞乎畿甸之內故其風氣之清淑山川之壯觀誠有以卓冠四方爲萬國之都會



盛京全圖

欽定陵持通考



分野考奉天府古冀青二州箕尾分野錦州府古冀青二州箕尾分野

一統志滄海朝宗白山拱峙渾河遼水遶帶西南黑水混同襟環東北控制諸邦跨馭六合允

帝業之根本洵留守之雄都也

又西接畿輔東控朝鮮瀕瀛海以帶龍江俯登萊而通朔漠此其大勢然也司民牧者兩郡攸分統軍政者三鎮是賴既星羅以碁布因畫井以分疆念

玉業之所基苞桑培及于萬世知邊防之爲重屏翰永拱
于

神京矣

江南全省圖



山東沂州界

界臨城

界臨城

山東界

城界

界邱南

界邱南

界邱南

界邱南

界邱南

界邱南

界邱南

界邱南

界邱南

界邱南

界邱南

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂

界化陽工沂


界化陽工沂


分野考江寧府古揚州斗分野蘇州府古揚州斗分野
太倉州古揚州斗分野松江府古揚州斗分野常州府
古揚州斗分野鎮江府古揚州斗分野淮安府古揚州
斗分野海州古徐州奎婁分野揚州府古揚州斗分野
通州古揚州斗分野徐州府古豫州房心分野安慶府
古揚州斗分野徽州府古揚州斗分野寧國府古揚州
斗分野池州府古揚州斗分野太平府古揚州斗分野
廬州府古揚州斗分野六安州古揚州斗分野鳳陽府

古揚州斗分野泗州古徐州斗分野潁州府古豫州房
心分野和州古揚州斗分野滁州古揚州斗分野廣德
州古揚州斗分野

江南通志鍾第八公天柱九華黃塗潛霍山之作鎮而
著名者不可勝數黃河江淮運河三江四海潁睢淝滁
水之經行而浸衍者不可勝數數則震澤巢湖洮湖關
則東關清流二峴名都雄鎮襟帶江淮

江西全省圖







分野考南昌府古揚州斗分野饒州府古揚州斗分野
廣信府古揚州斗分野南康府古揚州斗分野九江府
古揚州斗斗分野建昌府古揚州斗分野撫州府古揚
州斗分野臨江府古揚州斗分野吉安府古荆揚二州
斗分野瑞州府古揚州斗分野袁州府古揚州斗分野
贛州府古揚州斗分野南安府古揚州斗分野

一統志東接閩浙西連荆蜀北踰淮汴以達于京師據
嶺海之全斥交廣之境提封數千里此江右之大較也

浙江全省圖






分野考杭州府古揚州斗分野嘉興府古揚州斗分野
湖州府古揚州斗牛分野寧波府古揚州牛女分野紹
興府古揚州牛女分野台州府古揚州牛女分野金華
府古揚州牛女分野衢州府古揚州牛女分野嚴州府
古揚州牛女分野溫州府古揚州斗牛女分野處州府
古揚州斗分野

一統志崇山巨嶺所在限隔然嘉湖二郡實與江淮相
表裏嚴衢二郡實與徽饒爲鄰郊左接信都右連閩關

大海東蟠繞出淮揚之城四通八達之區也

又山川秀發風土清佳民人視爲樂郊遊客引爲福地
東晉以后風流掩映粵自有宋建都臨安景物之嘉甲
于南服士大夫類能形諸歌咏蓋越中之風致至是而
極盛矣

福建全省圖



浙江江山界

廣信界

江西豐城界

廣昌界

寧都界

江西吉水界

江西安遠界

廣東嘉應界

欽定校時通考


十五

分野考福州府古揚州牛女分野泉州府古揚州牛女
分野建寧府古揚州牛女分野延平府古揚州牛女分
野汀州府古揚州牛女分野興化府古揚州牛女分野
邵武府古揚州牛女分野漳州府古揚州牛女分野福
寧府古揚州牛女分野永春州古揚州牛女分野龍巖
州古揚州牛女分野臺灣府古海外地牛女分野

福建通志閩地幅幘廣輪之數計四十餘里控豫引閩
互爲唇齒福泉四郡則襟帶大海長溪汀邵諸處綿亘

崇岡建劍則溪灘互相環抱實爲兩浙之鎖鑰區分障
扼繡錯綺分以云形勢可謂備矣

湖北省圖






分野考武昌府古荊州翼軫分野漢陽府古荊州翼軫
分野安陸府古荊州翼軫分野襄陽府古荊豫二州翼
軫分野鄖陽府古荊豫二州翼軫分野德安府古荊州
翼軫分野黃州府古荊州翼軫分野荊州府古荊州翼
軫分野宜昌府古荊州翼軫分野施南府古荊梁二州
翼分野

一統志荊于九州之土最稱閼衍迴絡衡貫神禹之跡
遍焉

湖南省圖



次定受持通考


分野考長沙府古荊州翼軫分野岳州府古荊州翼軫
分野澧州古荊州翼軫分野寶慶府古荊州翼軫分野
衡州府古荊州翼軫分野桂陽州古荊州翼軫分野常
德府古荊州翼軫分野辰州府古荊州翼軫分野沅州
府古荊州翼軫分野永州府古荊州翼軫分野靖州古
荊州軫分野郴州古荊州翼軫分野永順府古荊州翼
軫分野

廣輿記湖廣大江中貫五溪外錯衡岳爲鎮洞庭雲夢

爲池此形勢之大槩也辰沅南蔽滇黔郴永上連兩粵
地之四通五達莫楚若矣

河南全省圖





分野考開封府古兗豫二州角亢分野陳州府古兗豫
二州角亢分野許州府古兗豫二州角亢分野歸德府
古兗豫二州角亢分野彰德府古冀州室壁分野衛輝
府古冀州室壁分野懷慶府古冀州覃懷地室壁分野
河南府古豫州柳分野陝州古豫州柳分野南陽府古
豫州張分野汝寧府古豫州角亢氐分野光州古豫州
角亢氐分野汝州古豫州張分野

一統志東連淮魯西接秦晉南絡荆襄北拱燕趙伊洛

蟠乎地府河南比乎秦關 大河蜿蜒高高聳峙鎖天
之中區控地之四鄙 居南北要衛綿亘數千餘里實
爲九州咽喉

山東全省圖






分野考濟南府古青州危分野泰安府古青州危分野
武定府古青州危分野兗州府古徐兗二州奎婁分野
沂州府古徐兗二州奎婁分野曹州府古徐兗二州奎
婁分野東昌府古兗州危室分野青州府古青州虛危
分野登州府古青州危分野萊州府古青州危分野安
東衛古徐州奎婁分野

山東通志南連清濟北接滄瀛右控平原左環渤海所
以屏藩畿甸權衡南北也襟帶齊河控援魏博舟車

四達迄爲要津

山西全省圖





分野考太原府古冀州參井分野平定州古冀州參井
分野忻州古冀州參井分野代州古冀州參井分野保
德州古冀州參井分野平陽府古冀州觜參分野蒲州
府古冀州觜參分野解州古冀州觜參分野絳州古冀
州觜參分野吉州古冀州觜參分野隰州古冀州觜參
分野潞安府古冀州參井分野汾州府古冀州參分野
沁州古冀州參分野澤州府古冀州觜參分野遼州古
冀州參井分野大同府古冀州昴畢分野寧武府古冀

州昂畢分野朔平府古冀州昂畢分野


一統志左有恒山之險右有大河之固襟四塞之要


衝控五原之都邑土瘠民貧勤儉朴質憂深思遠有

堯之遺風人物殷阜不甚機巧然頗勁悍習於戎馬

前代以來亦多文雅之士

西安省圖






分野考西安府古雍州井鬼分野商州古雍州井鬼分
野同州府古雍州井鬼分野乾州古雍州井鬼分野邠
州古雍州井鬼分野鳳翔府古雍州井鬼分野漢中府
古雍梁二州井鬼翼軫分野興安州古雍梁二州井鬼
翼軫分野延安府古雍州井鬼分野鄜州古雍州井鬼
分野綏德州古雍州井鬼分野榆林府古戎狄地

一統志關中形勝西自崑崙發脉落于三輔長河自西
北而南華嶽自西而東會于潼關關鎖之密天下莫並


甘肅省圖






分野考蘭州府古雍州西羌地平涼府古雍州井鬼分
野鞏昌府古雍州井鬼分野階州古雍梁二州井鬼翼
軫分野秦州古雍州井鬼分野臨洮府古雍州井鬼分
野慶陽府古雍州井鬼分野寧夏府古雍州井鬼分野
西寧府古雍州井鬼分野涼州府古雍州井鬼分野甘
州府古雍州井鬼分野肅州古雍州井鬼分野安西古
雍州西羌地靖逆衛古雍州西羌地洮州衛古雍州井
鬼分野

廣興記慶陽平涼近邊洮鞏昌鄰接羌番洮岷西寧
地入西羌甘涼以西暨肅州籍爲內地藩蔽猶榆林之
蔽延安花馬池之蔽慶陽固原之蔽平涼莊浪之蔽臨
洮岷文之蔽鞏昌焉爾



四川全省圖


欽定四庫全書



分野考成都府古梁州井鬼分野資州古梁州井鬼分
野綿州古梁州井鬼分野茂州古梁州井鬼分野寧遠
府古梁州井鬼分野保寧府古梁州井鬼分野順慶府
古梁州參井分野敘州府古梁州井鬼分野重慶府古
梁州井鬼分野酉陽州古梁州井鬼分野忠州古梁州
井鬼分野夔州府古荆梁二州翼軫分野達州古荆梁
二州翼軫分野龍安府古梁州井鬼分野潼川府古梁
州井鬼分野眉州古梁州井鬼分野嘉定府古梁州井

鬼分野卬州古梁州并鬼分野瀘州古梁州并鬼分野
雅州府古梁州并鬼分野越雋衛古梁州并鬼分野
一統志褒斜爲前門熊耳爲後戶緣以劍閣阻以石門
東連荆楚北接秦隴南撫蠻部西控吐蕃屹然天府也

廣東全省圖





分野考廣州府古揚州南境牛女分野連州古揚州牛
女分野韶州府古揚州牛女分野南雄府古揚州牛女
分野惠州府古揚州牛女分野潮州府古揚州牛女分
野嘉應州古揚州牛女分野肇慶府古揚州南境牛女
分野高州府古南越地牛女分野廉州府古南越地翼
軫分野雷州府古百粵地牛女分野瓊州府古百粵地
牛女分野羅定州古揚州南境牛女分野

一統志大庾聳其巔漲海浸其趾羅浮爲其鎮諸山羅

列若兒孫焉諸水環繞若襟帶焉洋洋乎南天之巨鎮也

廣西全省圖





分野考桂林府古荊州翼軫分野柳州府古百粵地翼軫分野慶遠府古百粵地翼軫分野思恩府古百粵地泗城府古百粵地西隆州古蠻夷地平樂府古荊州翼軫分野梧州府古荊州牛女分野鬱林州古百粵地翼軫分野潯州府古百粵地翼軫分野南寧府古揚州西南境翼軫分野太平府古南粵地思明府古百粵地鎮安府古百粵地

廣西通志東錯廣東西際滇黔南界交趾北連永寶幅

幘之廣輪延袤數千里萬山戟立三江帶盤允爲中土
之屏障

雲南全省圖

貴州界

四川四

滇南騰境

廣西界


廣西界


交趾界

交趾界

老越界

老越界






分野考雲南府古梁州井鬼分野大理府古梁州井鬼
分野臨安府古梁州井鬼分野楚雄府古梁州井鬼分
野澂江府古梁州井鬼分野景東府古柘南地廣南府
宋名特磨道廣西府古梁州界順寧府本蒲蠻之地曲
靖府古梁州井鬼分野姚安府本滇國地鶴慶府東漢
屬永昌郡武定府古梁州井鬼分野麗江府古梁州井
鬼分野元江府古西南夷極邊之地普洱府古西南夷
極邊地蒙化府漢爲益州郡地永昌府古梁州西南徼

外之地古哀牢國永北府古白國地開化府漢爲句町
國邊地東川軍民府古梁州參分野威遠府唐南詔銀
生府之地鎮沅府古西南極邊昭通府古西南極邊地
一統志中國地勢起西北會東南獨滇居西南凡大江
南之山多由滇派分論形勢有登高而呼之槩焉

貴州全省圖






分野考貴陽府古荆梁二州南境參井分野思州府古
黔中地思南府古荆州荒裔鎮遠府古荆州南境石阡
府古荆州南裔銅仁府古荆州南裔星分野黎平府古
荆州荒裔翼軫之餘分野安順府古荒服地南龍府古
梁州井鬼分野都勻府古西南夷地平越府古荆揚南
境大定府古羅甸鬼國遵義府古梁州井鬼分野

一統志居天下之西南東阻五溪西控六詔南連百粵
北踞三巴 上則盤江旋繞下則潯溪順流路繞羊腸

關雄虎踞



欽定授時通考卷八



總校官庶吉士臣侍朝

校對官編修臣范衷

校對官庶吉士臣章宗瀛

謄錄監生臣馬嗣全

謄錄監生臣任以依

繪圖謄錄監生臣寶光國

欽定四庫全書薈要

子部

欽定授時通考卷十九

十

詳校官主事_臣陳本



欽定四庫全書薈要卷一萬六百七十二

子部

欽定授時通考卷九

土宜

辨方

尚書堯典分命羲仲宅嵎夷曰暘谷平秩東作

傳日出于谷而天下明故稱暘谷歲起于東而始就耕謂之東作東方之官平均次序東作之事以務農也

又申命羲叔宅南交平秩南訛

傳南交言夏與春交訛化也掌夏之官平秩南方化育之事

又分命和仲宅西曰昧谷平秩西成

傳日入于谷而天下冥故曰昧谷秋西方萬物成平序其政助成物

又申命和叔宅朔方曰幽都平在朔易

傳都謂所聚也易謂歲改易于北方平均在察其政

以順天常

禹貢冀州厥土惟白壤厥田惟中中

傳堯所都也無塊曰壤田之高下肥瘠九州之中為
第五疏冀州帝都于九州近北故首從冀起九章算
術穿地四為壤五壤為息土則壤是土和緩之名此
色白而壤雍州色黃而壤豫州直言壤不言色蓋州
內之土不純一色故不得言色也鄭康成云田著高
下之等者當為水害備也則鄭謂地形高下為九等

也王肅云言其土地各有肥瘠則肅定其肥瘠以為九等也如鄭之義高處地瘠出物既少不得為上如肅之義肥處地下水害所傷出物既少不得為上故孔云高下肥瘠共相參對以為九等田土異者鄭康成云地當陰陽之中能吐生萬物者曰土據人功作力競得而田之則謂之田蔡傳夏氏曰教民樹藝與因地制貢不可不先辨土然辨土之宜有二白以辨其色壤以辨其性曾氏曰冀州之土豈皆白壤土會

之法從其多者論也

又濟河惟兗州厥土黑墳厥草惟繇厥木惟條厥田惟
中下

傳東南據濟西北距河色黑而墳起田第六疏八州
發首言山川者皆謂境界所及也繇是茂之貌條是
長之體言草茂而木長也宜草木則地美而田非上
者為土下濕故也集說陳氏大猷曰兗徐揚居河濟
江淮下流水未平則為下濕水既平則為沃衍于草

木尤宜故三州言草木

又海岱惟青州厥土白墳海濱廣斥厥田惟上下

傳東北據海西南距岱濱涯也說文云東方謂之斥
田第三疏舜為十二州分青州為營州營州即遼東
也海畔迴濶地皆斥鹵故云廣斥集說林氏之奇曰
此州土有二種平地之土色白而性墳海濱之土彌
望皆斥鹵

又海岱及淮惟徐州厥土赤墳草木漸包厥田惟上

中

傳東至海北至岱南及淮土黏曰埴田第二疏考工
記用土為瓦謂之搏埴之工是埴為黏土蔡傳埴膩
也粘泥如脂之膩也周有搏埴之工老氏言埴埴以
為器惟土性粘膩細密故可搏可埴也漸進長也包
叢生也集說王氏樵曰埴土性之美者也而又埴起
最宜于生物故草木漸包胡氏瓚曰土稟冲和之氣
故壤為上太燥者不凝故埴次之埴膏起也

又淮海惟揚州篠簜既敷厥草惟夭厥木惟喬厥土惟塗泥厥田惟下下

傳北據淮南距海地泉濕田第九蔡傳篠箭竹簞大竹敷布也少長曰夭喬高也塗泥水泉濕也下地多水其泥淖說文曰泥黑土在水中者也集說王氏炎曰南方地煖故草木皆少長而木多上竦河朔地寒雖合抱之木不能高也堯徐言草木皆居厥土之下凡土無高下燥濕其性皆然兼山林言之若揚之塗

泥惟言沮洳之多山林不與故先草木也土塗泥故其田下下大抵南方水淺土薄不如北方地力之厚也金氏曰古人尚黍稷田雜五種故雖水潦旱乾而各有所收塗泥之土其田獨宜稻故第為最下自唐以來則江淮之田號為天下最

又荆及衡陽惟荊州厥土惟塗泥厥田惟下中
傳北據荆山南及衡山之陽田第八

又荆河惟豫州厥土惟壤下土墳壚厥田惟中上

傳西南至荆山北距河水高者壤下者墳壩田第四
疏壩黑剛土也蔡傳上不言色者其色雜也壩疏也
顏氏曰玄而疏者謂之壩集說呂氏不韋曰凡耕之
道必始于壩為其寡澤而後枯王氏炎曰下土下等
之土也壤則沃墳壩則為瘠金氏曰其壤者無塊而
柔其下者或膏而起或剛而疏如今輶轅之寧淖汜
關之沙陷皆所謂下上者

又華陽黑水惟梁州厥土青黎厥田惟下上

傳東據華山之南西距黑水色青黑而沃壤田第七
疏孔以黎為黑故云色青黑其地沃壤言其美也王
肅曰青黑色黎小疏也集說吳氏澄曰土不言質質
不一也傳氏寅曰獨言色青黑而不及其性則非壤
非墳可知使其果為沃壤如孔氏之說則田宜上品
而顧乃止居下上何耶金氏曰梁土色青故生物易
性疏故散而不實

又黑水西河惟雍州厥土惟黃壤厥田惟上上

傳西距黑水東據河龍門之河在冀州西田第一蔡
傳黃者土之正色集說林氏之奇曰物得其常性者
最貴雍州之土黃壤故其田非他州所及陳氏櫟曰
土黃壤最貴故雍田上上塗泥最下故揚田下下
周禮地官以土圭之法測土深正日景以求地中日南
則景短多暑日北則景長多寒日東則景夕多風日西
則景朝多陰

注土圭所以致四時日月之景也晝漏半而置土圭

表陰陽審其南北景短于土圭謂之日南是地于日
為近南也景長于土圭謂之日北是地于日為近北
也東于土圭謂之日東是地于日為近東也西于土
圭謂之日西是地于日為近西也集說陳氏仁錫曰
其景短于土圭則其地在日南而多暑其景長于土
圭則其地在日北而多寒景夕謂日中時景已如夕
也如此則其地多風景朝謂日中時景尚如朝也如
此則其地多陰

又日至之景尺有五寸謂之地中天地之所合也四時之所交也風雨之所會也陰陽之所和也然則百物阜安

注土圭之長尺有五寸以夏至之日立八尺之表其景適與土圭等謂之地中集說陳氏仁錫曰以其地當天地之中故曰合交者四時皆協其候也會者風雨以序而至也和者陰陽調而不乖也百物阜安有生者遂有形者育

又春官保章氏以星土辨九州之地所封封域皆有分星以觀妖祥

注星土星所主之土也封猶界也鄭司農說星土以春秋傳曰參為晉星商主大火國語曰歲之所在則我有周之分野之屬是也康成謂大界則曰九州之中諸國中之封域于星亦有分焉十二次之分星紀吳越也玄枵齊也娵訾衛也降婁魯也大梁趙也實沈晉也鶉首秦也鶉火周也鶉尾楚也壽星鄭也大

火宋也析木燕也此分野之妖祥主用客星彗孛之
氣為象疏按春秋緯文耀鉤云布度定紀分州繫象
華岐以西龍門積石至三危之野雍州屬魁星太行
以東至碣石王屋砥柱冀州屬樞星三河雷澤東至
海岱以北兗州青州屬機星蒙山以東至南江會稽
震澤徐揚之州屬權星大別以東至雷澤九江荊州
屬衡星荆山西南至岷山北嶮鳥鼠梁州屬開星外
方熊耳以至泗水陪尾豫州屬搖星此九州屬北斗

星有七州有九但兗青徐揚并屬二州故七星主九州也

夏官職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害

注天下之圖如今司空輿地圖也四八七九五六周之所服國數也財用泉穀貨賄也利金錫竹箭之屬害神奸鑄鼎所象百物也

又乃辨九州之國使同貫利

注貫事也疏釋曰職方主九州之事故須分別九州之國使同其事利不失其所也

又東南曰揚州其穀宜稻

疏釋曰自此以下陳九州之事總為三道陳之先從南方起蓋取尊其陽方周改禹貢以徐梁二州合之于雍青分冀州地以為幽并東南曰揚州次正南曰荊州周之西南不置州統屬雍州即次河南曰豫州

為一道也次正東曰青州次河東曰兗州次正西曰
雍州為二道又次東北曰幽州次河內曰冀州次正
北曰并州為三道集說易氏祓曰稻生于水澤之地
經言稼下地是已揚州居東南之極及支川下流之
所歸厥土為塗泥為沮洳故其穀宜稻

又正南曰荊州其穀宜稻

又河南曰豫州其穀宜五種

注五種黍稷菽麥稻疏此州東與青州相接青州有

稻麥西與雍州相接雍州有黍稷故知有此四種但此州不言麻與菽及苽鄭必知取菽者蓋以當時自驗而知故添為五種也

又正東曰青州其穀宜稻麥

又河東曰兗州其穀宜四種

注四種黍稷稻麥疏以其東與青州相接青州有稻麥西與冀州相接冀州有黍稷故知也

又正西曰雍州其穀宜黍稷

疏雍州宜麥不言者但黍稷麥並宜以黍稷為主云
又東北曰幽州其穀宜三種

注三種黍稷稻疏西與冀州相接冀州皆黍稷幽州
見宜稻也

又河內曰冀州其穀宜黍稷
又正北曰并州其穀宜五種

注五種黍稷菽麥稻也疏若饋用六穀則兼有菰若
民之要用則去菰故知是此五者六穀之內三種已

上即言種二者則指穀名云

遼師掌四方之地名辨其丘陵墳衍遼隰之名

注地名謂東原大陸之屬集說陳氏仁錫曰地之廣
平曰遼四郊之地名如禹貢冀之太原大陸徐之東
原雍之原隰是也

冬官考工記天有時地有氣橘踰淮而北化為枳此地
氣然也

山海經西南黑水之間有廣都之野爰有膏菽膏稻膏

黍膏稷百穀自生

詩緯含神霧大齊之地處孟春之位海岱之間土地汚泥流之所歸利之所聚

春秋元命苞五星流為兗州鉤鈐星別為豫州昂畢散為冀州分為趙國箕星散為幽州分為燕國營室流為并州分為衛國參伐流為益州虛危流為青州天氏流為徐州軫星散為荊州牽女流為揚州

春秋說題辭西乃金之位米為陽之精故西合米為粟

稻太陰精含水漸洳江旁多稻乃其宜也

管子黃帝得大常而察于地利得奢龍而辨于東方得祝融而辨于南方得大封而辨于西方得后土而辨于北方

又常山之東河汝之間蚤生而晚殺五穀之所蕃孰也四種而五穫

注四種謂四時皆種五穫謂五穀皆宜而有所穫

越絕書少昊治西方蚩尤佐之使主金玄冥治北方白

辯佐之使主水太皞治東方袁何佐之使主木祝融治南方僕程佐之使主火后土治中央后稷佐之使主土並有五方以為綱紀是以易地而輔萬物之常

吳越春秋越地肥美其種甚嘉

淮南子星部地名角亢鄭氏房心宋尾箕燕斗牽牛越須女吳虛危齊營室東壁衛奎婁魯胃昂畢魏觜雉參趙東井輿鬼秦柳七星張周翼軫楚歲星之所居五穀豐昌其對為衝星歲乃有殃

又東南神州曰農土正南次州曰沃土西南戎州曰滔
土正西弁州曰并土正中冀州曰中土西北台州曰肥
土正北濟州曰成土東北薄州曰隱土正東陽州曰申
土

注農神之所經緯沃盛也稼穡盛張滔大也五穀
成大并猶成也百穀成熟冀大也四方之主故曰中
薄猶平也氣所隱藏申復也陰氣盡于北陽氣復起
又汾水濛濁而宜麻濟水通和而宜麥河水中濁而宜

穀雖水輕利而宜禾渭水多力而宜黍江水肥仁而宜稻平土之人慧而宜五穀

又東方川谷之所注日月之所出其地宜麥南方陽氣之所積暑濕居之其地宜稻西方高土川谷出焉日月入焉其地宜黍北方幽晦不明天之所閉也寒水之所積也蟄蟲之所伏也其地宜穀中央四達風氣之所通雨露之所會也其地宜禾

釋名青州在東取物生而青也徐州徐舒也土氣舒緩

也揚州州界多水水波揚也荊州取名於荊山也荊警也豫州地在九州之中京師東都所在常安豫也涼州西方所在寒涼也雍州在四山之內雍翳也并州其州或并或設故因以為名也幽州在北幽昧之地也冀州亦取地以為名也其地有險有易帝王所都亂則冀治弱則冀强荒則冀豐也兗州取兗水以為名也司州司隸校尉所主也益州益阨也所在之地險阨也古有營州齊衛之地于天文屬營室取其名也

又燕宛也北方沙漠平廣地在涿鹿山南宛宛然以為國都也宋送也接淮泗而東南傾以為殷後若云滓穢所在送使隨流東入海也鄭町也其地多平町町然也楚辛也其地蠻多而人性急數有戰爭辛楚之禍也周地在岐山之南其山四周也秦津也其地沃衍有津潤也晉進也其土在北有事於南則進而南也又取晉水以為名其水迅進也趙朝也本小邑朝事於大國也魯魯鈍也國多山水民性樸魯也衛衛也既滅殷立武庚

為殷後三監以守衛之也齊齊也地在渤海之南渤齊之中也吳虞也太伯讓位而不就歸封之於此虞其志也越夷蠻之國度越禮義無所拘也此十二國上應列宿各以其地及於事宜制此名也

又秦置郡縣隨其所在山川土形而立其名漢就而因之河南在河之南也河內河水從岐山而南從雷首而東從譚首而北郡在其內也河東在河水東也河西在河水西也上黨之所也在山上其所最高故曰上也潁

川因潁水為名也汝南在汝水南也汝陰在汝水陰也東郡南郡以京師方面言之也北海海在其北也西海海在其西也南海在海南也宜言海南欲同四海名故言南海東海海在其東也濟南濟水在其南也濟北濟水在其北也義亦如南海也南陽在國之南而地陽也凡若此類郡國之名取號於此其餘可知也縣邑之名亦如之

崔寔政論三輔左右及涼幽州內附近郡皆土曠人稀

厥田宜稼

博物志東方少陽日月所出山谷清西方少陰日月所入其土窈冥南方太陽土下水淺北方太陰土平廣深中央四析風雨交山谷峻

廣雅神農度四海內東西九十萬里南北八十一萬里帝堯所治九州地二千四百三十萬八千二百四頃其墾者九百一十萬八千二十四頃

史記貨殖列傳山西饒材竹穀蠶山東多魚鹽漆絲江

南出柟梓薑桂關中自汧雍以東至河華膏壤沃野千里好稼穡殖五穀地重

重於稼穡也

巴蜀亦沃野地饒庖薑

竹木之器天水隴西北地上郡畜牧為天下饒三河在天下之中土地狹小民人衆故其俗纖儉習事中山地薄人衆民俗懷急仰機利而食燕有魚鹽棗栗之饒綰穢貉朝鮮真番之利齊帶山海膏壤千里宜桑麻人民多文綵布帛魚鹽鄒魯濱洙泗頗有桑麻之業無林澤之饒堯作游成陽舜漁於雷澤湯止於亳其俗好稼穡

致其畜藏淮北沛陳汝南南郡地薄寡於積聚江陵故
郢都有雲夢之饒陳在楚夏之交通魚鹽之貨吳有海
鹽之饒三江五湖之利江南卑濕多竹木總之楚越之
地地勢饒食無饑饉之患以故嵒窟偷生無積聚而多
貧是故江淮以南無凍餓之人亦無千金之家沂泗水
以北宜五穀桑麻地小人衆數被水旱之害民好蓄藏
故秦夏梁魯好農而重民三河宛陳亦然齊趙設智巧
仰機利燕代田畜而事蠶汶山之下沃野下有蹲鴟

芋也

至死不饑

又地理志巴蜀廣漠土地肥美有江水沃野山林竹木
疏食果實之饒

又溝洫志平原東郡左右其地形下而土疏惡

又東方朔列傳汧隴以東商雒以西厥壤肥饒天下陸
海之地有秔稻稊粟桑麻竹箭之饒故豐鎬之間號為
土膏

又東夷列傳夫餘於東夷之域最為平敞土宜五穀挹

婁古肅慎之國有五穀麻布土氣極寒常為穴居東沃
沮土肥美背山向海宜五穀善田種馬韓人知田蠶辰
韓土地肥美宜五穀

又南蠻列傳牂柯地多雨潦句町縣有桄榔木可以為
麪百姓資之益州郡有池周回二百餘里水源深廣而
末更淺狹有似倒流故謂之滇池河土平敞有鹽池田
漁之饒汶山郡土氣多寒在盛夏水猶不釋土地剛鹵
不生穀粟麻菽惟以麥為資而宜畜牧武都土地險阻

有麻田

又西羌列傳大小榆谷土地肥美

又雍州之域厥田惟上沃野千里穀稼殷積又有龜茲
鹽池以為民利水草豐美土宜產牧

又伊吾地宜五穀桑麻蒲萄其北又有柳中皆膏腴之
地

又烏桓列傳其土地宜糴及東牆東牆似蓬草實如糴
子至十月而熟

帝王世紀自斗十一度至婺女七度一名須女曰星紀
之次于辰在丑謂之赤奮若于律為黃鍾斗建在子今
吳越分野自婺女八度至危十六度曰玄枵之次一名
天黿于辰在子謂之困敦于律為大呂斗建在丑今齊
分野自危十七度至奎四度曰豕韋之次一名娵訾于
辰在亥謂之大淵獻于律為太簇斗建在寅今衛分野
自奎五度至胃六度曰降婁之次于辰在戌謂之閭茂
于律為夾鍾斗建在卯今魯分野自胃七度至畢十一

度曰大梁之次于辰在酉謂之作噩于律為姑洗斗建
在辰今趙分野自畢十二度至東井十五度曰實沈之
次于辰在申謂之湑灘于律為仲呂斗建在巳今晉魏
分野自井十六度至柳八度曰鶉首之次于辰在未謂
之叶洽于律為蕤賓斗建在午今秦分野自柳九度至
張十七度曰鶉尾之次于辰在巳謂之大荒落于律為
夷則斗建在申今楚分野自軫十二度至氐四度曰壽
星之次于辰在辰謂之執徐于律為南呂斗建在酉今

韓分野自氐五度至尾九度曰大火之次于辰在卯謂之單闕于律為無射斗建在戌今宋分野自尾十度至斗七度百三十五分而終曰析木之次于辰在寅謂之攝提格于律為應鍾斗建在亥今燕分野

隋書地理志正西曰雍州上當天文自東井十度至柳八度為鶉首于辰在未得秦之分野安定北地上郡隴西天水金城六郡之地勤於稼穡梁州于天官上應參之宿漢中之人多事田漁豫州其在天官自氐五度至

尾九度為大火于辰在卯宋之分野屬豫州自柳九度至張十六度為鶉火于辰在午周之分野屬三河則河南淮之星次亦豫州之域梁郡好尚稼穡兗州其于天官自軫十二度至氐四度為壽星于辰在辰鄭分野冀州其于天文自胃七度至畢十一度為大梁屬冀州自尾十度至南斗十一度為析木屬幽州自危十六度至奎四度為娵訾屬并州自柳九度至張十六度為鶉火屬三河則河內河東也淮之星次本皆冀州之域信都

清河河間博陵恒山趙郡武安襄國其俗務在農桑長
平上黨人多重農桑河東絳郡文城臨汾龍泉西河土
地沃少瘠多正東曰青州其在天官自須女八度至危
十五度為玄枵于辰在子齊之分野多務農桑徐州自
奎五度至胃六度為降婁于辰在戌賤商賈務稼穡揚
州在天官自斗十二度至須女七度為星紀于辰在丑
吳越得其分野江南之俗火耕水耨食魚與稻宣城毗
陵吳郡會稽餘杭東陽數郡州澤沃衍有海陸之饒豫

章之俗勤耕稼自嶺已南二十餘郡大率土地下濕荆
州上當天文自張十七度至軫十一度為鶉首于辰在
巳楚之分野

宋史地理志京東路兗豫青徐之域當虛危房心奎婁
之分西抵大梁南極淮泗東北至于海有鹽鐵絳石之
饒其俗勤耕絀營丘號稱富衍物產尤盛京西路冀豫
荆兗梁五州之域而豫州之壤為多當井柳星張角亢
氐之分東暨汝潁西被陝服南畧鄢郢北抵河津絳泉

漆纈之所出而洛邑為天地之中民性安舒然土地褊
薄迫于營養汝蔡率多曠田太宗遷晉雲朔之民于京
洛鄭汝之地墾田頗廣河北路充冀青三州之域而冀
充為多當畢昴室東壁尾箕之分南濱大河北際幽朔
東瀕海岱西壓上黨繭絲織絰之所出土平而近邊置
方田以資軍廩河東路冀雍二州之域而冀州為多當
臂參之分其地東際常山西控黨項南盡晉絳北控雲
朔當太行之險地有鹽鐵之饒勤農織之事業寡桑柘

而富麻苧陝西路雍梁冀豫四州之域而雍州全得焉
當東井輿鬼之分西接羌戎東界潼陝南抵蜀漢北際
朔方有絲枲林木之饒其民慕農桑好稼穡鄠杜南山
土地膏沃二渠灌溉兼有其利兩浙路揚州之域當南
斗須女之分東西際海西控震澤北濱于海有魚鹽布
帛秔稻之產淮南路荆徐揚豫四州之域而揚州為多
當南斗須女之分東至于海西抵濰渙南濱大江北界
清淮土壤膏沃有茶鹽絲帛之利江南東西路揚州之

域當牽牛須女之分東限七閩西畧下口南抵大庾北
際大江川澤沃衍有水物之饒永嘉東遷苻苌冶鑄金
帛杭稻之利歲給縣官用度蓋半天下之入焉荆湖南
北路荊州之域當張翼軫之分東界鄂渚西接溪洞南
抵五嶺北連襄漢其土宜穀稻南路有袁吉壤接者其
民往往轉徙自占深耕穡種北路農作稍惰多曠土福
建路蓋古閩越之地其地東南際海西北多峻嶺抵江
有茶鹽海物之饒民安土樂業川源浸灌田疇膏沃無

凶年之憂而土田迫陋生藉繁夥雖磽确之地耕耨殆
盡川峽四路梁雍荆三州之地而梁州為多天文與秦
同分南至荆峽北控劍棧西南接蠻夷土植宜柘繭絲
織文纖麗者窮于天下地狹而腴民勤耕作無寸土之
曠歲三四收廣南東西路荆揚二州之域當牽牛婺女
之分南濱大海西控夷洞北限五嶺宋初人稀土曠儼
崖萬安三州地狹戶少

金史食貨志中都西京北京上京遼東臨潼陝西地寒

稼穡遲熟夏稅限以七月為初

通鑑注太行為河北脊其山脊諸州皆山險至太行山盡頭地始平廣田皆腴美俗謂小江南古所謂覃懷也海槎餘錄儋耳境山百倍于田土多石少雖絕頂亦可耕植

農政全書三吳古稱澤國其西南翕受太湖陽城諸水形勢尤卑而東北際海岡隴之地視西南特高高者田常苦旱卑者田常苦澇

又中州濱河之區歲苦馮夷衝嚙關中引涇通渭并州
西南若汾若沁盡可引注為農田用三楚漢沔西來大
江中貫開渠建閘在在沃壤廣南沿海多淤沙饒沃容
有未興之利八閩江右畝窄人稠

欽定授時通考卷九